

識破塵勞苦樂清閑恣情歌舞有似孤雲來又去沒牽纏得
逍遙內自補 日夜調龍虎時時姤嬰相聚養就神珠空裏吐
放光明現元初相貌主

玉堂春

閑論修持修持非草草猛捨家緣方求大道滅盡無明如軻能
養浩肯逐人情似桔槔 鷺食鶉居自然無煩惱垢面蓬頭心
田頻掃金木相生就中成至寶便覺靈光出一毫

踏雲行 三十首

贈曹仙甘仙張仙同居煙霞洞

兩縣三仙一心同處遞相傳授玄玄語水雲溪畔樂逍遙煙霞

道藏輯要

漸悟集

六

胃集七
川川

洞裏忘思慮 鍊汞烹鉛調龍引虎靜中結正三田主功成跨
鶴去朝元大羅天上爲仙侶

又

自在閑人逍遙烈士清貧快樂忘塵事風前月下撫心琴龍吟
虎嘯來參侍 或隱山林或居鄽市勸人回首頭頭是塵中誘
化結良緣雲朋霞友應翹俟

贈呂守真

此箇姑姑謫仙姓呂肯來販骨爲商旅蓬頭垢面道家風雲朋
霞友非凡侶 莫騁容儀一團臭腐恩情劈碎非斤斧心灰念
斷樂逍遙大羅天上居仙府

又

六出飄颻萬峯潛翠瓊花墮地風吹起穿簾透幕逞逍遙人前
故要呈祥瑞 漁父莎披子猷興至高陽酒價重增貴萬民何
事有餘歡來年定是成豐歲

贈馮守慈

男女雖親死生難趨浮名浮利浮雲朶萬緣一擊恰如無長生
路上修仙果 玉戶頻開金闕緊鎖靈珠裏面持經課功成輕
舉踏雲行大羅天上端巖坐

又

重遇重陽重重悟道扶風馬子何愁老調龍引虎弄明珠明珠

道藏輯要

漸悟集

七

胃集七
川一八

出路應須早 以鈺爲名字呼玄寶雲中子得爲佳號木牛小
字字山侗山侗指日登仙好

又

重到興平廣開言路驀然興盡思歸去踏莎行計指長安願人
早早心開悟 貧富由天子孫陰注算來分定休思慮聞身康
健速修持真誠博箇真師度

贈無爲散人

三髻山侗拜聞張氏看人布施終非是臨淵休羨錦鱗肥退而
結網勝瞻視 欲住蓬瀛何勞翹俟蓬頭垢面忘塵事焚香百
拜本夫心同修願繼龐居士